

حجر الایضوفیه

شیمدیلک هفته ده بر نشر اولور .

امور اداره و تحریریه و اعلانات و سائر
ایچون مدیر مشوله مراجعت ایدلمیدر .

عراق ایتمک مقالات متصوفانه لرینه
حرید صوفیه نکت حقیقه لری آچقیدر .
درج ابدایان اوراق اعاده ابداز .

ابونسی : بر سنک اعتبارله ممالک
عثمانیه ایچون ۴۰ آلی آیلغی ۲ غروش
و ممالک اجنبیه ایچون اون ایکی فرانکدر

محل اداره باب عالی جوارنده ابوالسود
جاده سنده نجم استقبال مطبوعه سی

تصوفی ، دینی ، اخلاقی ، سیاسی جریده اسلامیه در

« دولتک (۶۶۵) نجی سنه دوریه تأسیسی »

بانی سلطنت آل عثمان غازی سلطان (عثمان) بن ارطوغرول خان علیهما الرحمة والغفران حضرتلرینک تأسیس ایتمش اولدقلری
دولت عثمیه کانون اولک اون بدنجی سالی کونی (۶۶۵) نجی سال دوری تأسیسه گیرمشدر . بارگاه احبیتدن دولتک و بالجه دول
اسلامیه نیک الی قیام الساعه دوام رفاه و بقایرینی تفریح و نیاز ابارز .
— جریده صوفیه —

حدیث شریف

(قسم الحفظ عشرة اجزاء تسعة في الترك و جزء في سائر الناس)

ترجمه سی :

« حفظ و حراست اون قسمدر . بو خصلتک طقوزی تورک قومنده
بری سائر ناسده در . »

محدثیندن عبدالرؤف المناوی بو حدیث شریفی خطیب بغدادیدن
روایت ایدمک « کنوز الحقائق » نده ذکر و بیان ایشمدر . بو حدیث
شریف خاطر مزه تأسیس سلطنت آل عثمانک دور سنویسی وسیله سیله گلشدر .
حضرت فخر عالم قابلیت حارسیتی تورکدرده ده مسلتنا کوریورلر .
صرف بو استثنائیت اونلره بر مزیت بخش ایدیور . فقط اعصارک
حصوله آتیردیکی وقایع بوکاک کوزل شاهد اوله مزیمی ؟ اقطار جهانی
مراهانکی بر کوشینی قاریشدر رسته کز مطلقا اوراده تورک عنعنه سیندن
بر بقیه یه ، هیچ اولمزه وجودینه دلالت ایدم بیهلک بر قاج پارچه
کیکه ، تورک کیکنه راست کایر ، بولورسکیز . بو ایسه اوقومک جبارنه
بر جرأت فوق العاده سنه برهان اوله بیور . ایشته او جسارت و هجرت
عرقیه درکه روحلر نده کی کزلی بر خصلتارینی میدانم چیقارمشدر .

حفظ و حراست ، صداقت .

تورکک صادقدرلر . بو صداقتی اولجه دینلری حفظده بسله مشار ،
جميع عصرده علی قدر الامکان صداقت اسلامیه به صادق قلب طاشیمشدر .
بو صداقتلری کنیدلرینی بالجه قطع نده توطنه ، نمکنه بر سبب
فائر اولمش ، آنلره بر حق اهلیت و برمشدر . تورککری شماله ،
نا سیریا ایچارینه ، ده ایلرولره سوقان او خصلت حافظیتلری اولیور .
هند دکرلرینه ، صیجاق جولاره سوق ایدن بیه او قوه حراستلری

بولیور . تورک اسلامیه او درجه مربوط اولدیفنی عنعنات اسلامیه
ملی بر اخلاق اولقی اوزره همان قبول ایتمیله اثبات ایشمدر . قوه
حراست . بومبارک مزیت تورککری هر یرده نائل اعزاز ایش ! نظرلر منی
ماورای اعصار اسلافه آتلم ! نه کورورز ؟ خاندان امویه سربارلری
ایچنده بر جوق تورک قادینلری ، تورک جاربیلری ، آناردن تولدایدن
شهزاده لر کورورز . طبیعیدرکه (دهه) دن بر ذاتک تشکیل ایتمش
اولدیفنی بر حکومتمک ایچمه بشقه بر نسلاک قاریشده سی البته او نسلده کی
بر مزیت . بر خصلته بنده در . دولت عباسیه ده اوله دگیلدر ؟ اونلر
دها ایلرویه کتیدیلر ، کاشانه عدل هارونه بر تورک نسلی وزیر اولماشمیدی ؟
زمام امور دولت او زمانلرده بینه تورک وزرایه مودوع ایدی . هله
جنود عباسیون همان تماماً دینیهلک درجه ده تورککدن مرکب ایدی .
البته او حاکمیتلر . او حکومتملر تورککری امور عامه ده استیخداچی
اونلرک قاره کوزلری ایچون دکل ، اهلیت حراستلری ایچوندی ! قرون
وسطاده حکومتملر جدأ بر برینی عادتاً بیرجه سنه ازمشدر . بر برلرینک
اقتضایرینه سبب مستقل اولمشلردر . تورکدرده شهسز بو بحران
قرونه قارشمشدر ، اونلرده فضولی اوله رق قانلرینی دوکشلردر . لیکن
بیه او بیراغه ، اسلام بیراغه صادق قالمشدر . وعدلرینی اونوتماشلر ،
سلطان کاشانک مقصد عالیارینی هر یرده بلا پرو ادا ایلمشدر ، ایجاب
ابتدیی تقدیرده مبارزه حقوکیانده بولمشدر ، شان اسلامیت اوغرندم
بر علامت مقدس اوله رق قانلرینی آقیمشلردر . عامی بر تورک آغزندن
ایلاک ایشیده جککیمین [دینم حقیچون ! دینم چارپسینک ...] صورتنده در .
حتی صفاوت عرقیه لری نتیجه سی اوله رق [بن تورک] سوزی برینه
[بن مسلمانم] دیر واونی ادا ایدر ، تورکک هر چی بر قومی تورک
اولمه دعوت ایتمشلردر ، فقط کندی قومیتندن ده معزز بیلدیکی
« اسلامیت » نامنه دعوالر ، همده پک مهم دعوالر بولمشدر . سلطان
محمد خان ثانی ، استانبولی فتح ابتدکن صکره ایلاک جمعه کونی آباصوفیه

اولد قجه برر دور کال کچیر مشاردر . فقط شوراسنی تکرار ایدملکه اونارک بو حیاتی آنجق ایکی شی سایه سنده وجوده کلشدر . فکر سانس ، سیف حارس .

عبدالله

فلسفه

معرفة النفس

سالک مسلك حقیقت مفخرالا کار حضرت امام غزالی عجاب قای شرح ایدر صورتده تألیف ایتمش اولدیی اثر لطیفده تدقیقات حکیمانہ سنی بروجہ آتی ایضاح ایدمور .

انسانک مخلوقات سازه اوزرینه شرف و فضیلتی آثار قدرت الهیہی تقدیر ایله کمال و جلاله مظهری در . بو مظهریته استعدادی تأمین ایدن انسانک قای در قاب فیاض کریمی بیایر . اوامر الہیہ سنی اتقیاد ایدر مساعی سنی خیرہ صرف ایلر ، ماهیت انسانہ سنی ادراک ایله تدقیق حقایق ایدوب فیوض انوار الہیہیہ مستغرق اولور . مخاطب و معاقب و معاتب اودر ، عباداتک فیض نامی اتی تنویر ایدر محاسن و مساوی اندن صادر اولور ، [کل انا ، یترشح بآفیه] انسانک نفسی بیایر ایسه جناب حائقی اعظمی دہ بیایر ، اکثرناس احوال قابیہی بیامیور معرفت قاب ایسه اصل دین و اساس طریق سالکین در . قلبک باعث نجات و هلاک جہتہی تدکار ایله برابر ریاضت قلبه و تهذیب اخلاقہ خدمت ایدم جاک اقسامی بیان ایتمکی لازمه انسانیت عدایلرم .

نفس روح قاب ایله عقلک معناسی

بو درت اسمک معانی اصاہی سنی تعیین ده فحول علما بیانات کالہ دم بولندیلر بزدہ بو ایضاحاتی تعقیب ایدرک شرح مقصد ایدرز قاب ایکی معنایہ کلیر اولاً صدرک جانب السیرینہ وودوع اولان لحم صنوبری شکل در ، منبع روح در بو اطباتک علم تشریحده کی تطبیق ایله تبیین ایدر صدرک بحث اولان معنای ثانیہ عطف نظر اولنور ایسه قلب برلطیفہ ربانیہ روحانیہ در کہ بوجسمه تعاق ایدر ایشته بو لطیفہ حقیقت انسانہ در مدرک حارف و مخاطب و معاقب بودر

وجه علامتی ادراکده اکثر عقول منجیدر ، علوم و مکاشفانہ مظهر اولور ، اسرار روح اندہ مندجدر . روح جسم لطیفدر منبہی انوار حیاتیہ محل فیض اندر حس و بصر سمع شم کی حواس بشریت انک لمعہ حیاتیہ در . فیاض کریمک لطف مخصوص سبحانی سیدر روح بر امر عجیب در کہ ارباب عقول انک حقیقتی ادراکدن قاصر در ،

نفس نفس ایله انسانده کی قوہ غضبیہ شہوانیہ نک مراد اولنسنی صوفیون تعیین ایدمور لر . چونکہ انراصل نفسی انسانک صفات مذمومہی

هنوز جامعه نخبیل ایدلش اولدینی خالدہ یوکسک بر طاش اوزرنده جامع شریفہ کیرمن اردوسنه باشنی سیاه بر دستاره (صاریق) بورویہرک بر خطبه اوقومش ، خطبه سنده عسکرینی اسلام اردوسی ، پادشاهنه شرفار ویرن یکانہ ، سوکیلی اردوم « دیہ وصف ایتمشدر . مقدم بر بورمک ، بر جناح رأفت ذکر ایدلینی تورکارک خاطرہ کلامی ممکن دکادر . بالجله ریات اقوامی ریات جلادت اسلامیه آلتنه ادخاله بو نسل موفق اولمشدر . تورکک (دونغوز) ی شجاعت فطریہ سینه (بوکولز بیلهک) ی حراست خلقیہ سینه دالدر ، نجیب ، موصوم بر اعتقاد ، بر اعتقاد متینہ صاحب اولسه ایدیلر اخوتی آلتنه آلدقارینی چارچابوق کندیلرینه ایصیندیرمزلردی . [اخوتی آلتنه] دیوروز ، چونکہ بو تعبیرہ ماصدق اولورق مغلوبلرہ حسن معاملہ ایدرلردی . قوجہ سلیم کندی قومینی اورتمہ سوردن بر نفرہ [سن بر مسلمانسک ا اوده مسلمان ، او خالدہ فرکز یوق ا هایدی چکبلکز] دیہرک اورادده نفوذ و جلادت اسلامیهی مدافعه ایتمش ، فقط بو صورثله موجود و محکم بر تختہ حاکم جهان اولورق اوغلی ایکنجی سلیمان قانونی وارث اولمشدر . [۱] دین قابغوسی ، دین دویغوسی برنجی املریدر . بیکارجه حدودنار اولسون کہ : بو نسل فجاج آل رسول ایله علاقدار دکادر . لری ، قلیجاری داغما حتی مدافعه ایچون قالمش ، قالقاناری حقیقتی تسایم اوغرندہ اینمشدر . معلول بر وجود بر کتله کی دکل ، حوضہ اسلام ایچورسندہ موصوم ، طاهر ، آزاده ماضی اولورق بشامشاردر .

ماضیدہ کی او کومولو خاطراتدن ، او دلخراش خواطردن کاملاً بری الذمہ درلر . نه تحفہ در کہ اندیشہ فزا بر استقباله تورکارک کوسکلی هدف اولمقدہ در . بو کون غرب دینان اوباشقه جهانلر بیله رایت اسلامی بو قومک اندہ کورنجه متہیجانہ بر حس ایله چالقامبورلرمی ؟

•••

تورکارده حس عبودیت ک دریندر . آنی الی الابدہ صاقلاہ جقدر . عثمان بن ارطوغرول خان قرآنمزہ صباحرہ قدر قیام ایتمک ، النجیہ دیوان طورمق صورتیہ حسابات معنویہ سنی کوسترمشیدی . سلیم خان خاندان جلیل احدیدن بر کنجک اوکندہ تعظیماً ، قیر او طورمق ایستہ مامشیدی ا سلطان محمد ثالث ، احد خان اول اسم پاک پیغمبرینک انشای بیان و تذکارندہ هر دفعہ ایچون تختلرندہ قاعد ایکن آیاغہ قالدقارینی محمود خان اولک ایسه اوقانتی عشق محمدی اوغرینہ آغلامقلہ کچیردکاربینی صحائف اخلاق اسلاف کوستریور . تورکار ، اسلامار آل بابر ، آل سبکتکین ، آل فاروق ، آل عثمان کی بر سلسله حشمت و قدرت سایه سنده هندده ، ماوراءالنہرہ ، شمرقدہ ، آنادولودہ

[۱] برنجی سلطان سلیمان برنجی سلطان بایزیدک اوغلیدر کہ بشنہی پادشاهمزددر . طافوز بقی سنہ ادرندہ سلطنت سورمشدر . آلتنبی پادشاهمز ایسه برادری سلطان موسی خاندن . تاریخمزدہ کی قاصدہ سلطنتی من دلیل رد وانکار ایدییورم .